



Broj: 02-04-1943/23-AP-6  
Datum: 4.12.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 4. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/15 i 3/17) i člana 2. Odluke o utvrđivanju upražnjenih pozicija predsjednika i članova u Upravnom odboru Javne ustanove „Javna biblioteka“, Zavidovići, broj: 02-04-1943/23-AP-2 od 07.09.2023. godine Gradonačelnik Grada Zavidovići, raspisuje :

### PONOVLJENI JAVNI OGLAS

za izbor i imenovanje predsjednika i člana Upravnog odbora u Javnoj ustanovi  
„Javna biblioteka“ Zavidovići

Objavljuje se javni oglas za izbor i imenovanje predsjednika i člana Upravnog odbora Javne ustanove „Javna biblioteka“ Zavidovići i to:

- predsjednik Upravnog odbora - 1 pozicija iz reda osnivača;
- član Upravnog odbora - 1 pozicija iz reda osnivača.

#### **-Opis nadležnosti i obaveza Upravnog odbora u skladu sa Uredbom sa zakonskom snagom o ustanovama:**

Upravni odbor obavlja sljedeće poslove: donosi pravila ustanove, imenuje i razrješava direktora, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i pravilima ustanove, odlučuje o svim pitanjima obavljanja djelatnosti radi koji je ustanova osnovana, ako zakonom nije određeno da o određenim pitanjima odlučije drugi organ ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima ustanove, odgovara osnivaču za rezultate rada ustanove, odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa, podnosi osnivaču najmanje jedanput godišnje izvještaj o poslovanju ustanove, vrši i druge poslove u skladu sa zakonom i pravilima ustanove.

#### **-Uslovi za imenovanje:**

A) Opći uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH («Službene novine Federacije BiH» broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH («Službene novine FBiH», broj: 70/08),
- da nema privatni finansijski interes u instituciji u koju se kandiduje,
- da nije osuđen za krivično djelo i privredni prijestup nespojiv s dužnošću u upravnom odboru ustanove, pet godina od dana pravostnažnosti presude,

-da nije stariji od 70 godina na dan imenovanja.

B) Pored općih uslova, kandidati trebaju ispunjavati sljedeće posebne uslove:

- VSS (VII/1) ekonomskog, pravnog, tehničkog ili društvenog smjera za predsjednika upravnog odbora; za člana iz reda osnivača pored VSS (VII), može i VŠS (VI/1) ili SSS (IV/1).

-3 godina radnog iskustva u struci,

-da uživa ugled u lokalnoj zajednici,

-da nije član niti jednog upravnog ili nadzornog odbora, odnosno odbora za reviziju u više od jednog privrednog društva,

-sposobnost za savjesno, odgovorno i odlučno obavljanje upražnjene pozicije,

-sposobnost nepristrasnog donošenja odluka,

-komunikacijske i organizacijske sposobnosti,

-sposobnost tumačenja ekonomskih, tehnoloških i pravnih analiza i propisa,

-rezultati rada ostvareni tokom poslovne karijere,

-preporuke ranijih neposrednih rukovodilaca.

**-Potrebna dokumentacija:**

Prijava kandidata, pored navedene pozicije za koju se kandiduje, treba da sadrži i kraću biografiju, adresu i kontakt telefon.

Uz potpisanu prijavu kandidat treba dostaviti original ili ovjerenu kopiju sljedećih dokumenata:

-dokaz o stručnoj spremi,

-dokaz o radnom iskustvu,

-izvod iz matične knjige rođenih ( ne starije od 6 mjeseca ili trajni izvod iz MKR-ih),

-uvjerenje o državljanstvu (ne starije od 6 mjeseca),

-ovjerenu izjavu kandidata za alineju 3.,4.,5.,6. i 7. pod A) i alineju 4 pod B),

- podatke o ranijim neposrednim rukovodiocima radi davanja preporuke ili preporuka/e ranijih neposrednih rukovodilaca.

Dokaz da kandidat nije osuđivan za krivično djelo, kao i dokaz da kandidat nije učinio privredni prestup nespojiv sa dužnošću u Upravnom odboru Ustanove pet godina od dana pravosnažnosti presude, zatražit će se od kandidata koji budu predloženi za konačno imenovanje.

**-Ostale napomene:**

Mandat za upražnjene pozicije u Upravnom odboru traje 4 godine od dana imenovanja.

Članovima Upravnog odbora pripada naknada u skladu sa članom 7. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/15 i 3/17).

Oglas ostaje otvoren 15 dana od dana posljednjeg javnog objavljivanja u dnevnom listu „Oslobođenje“ i „Službenim novinama FBiH“.

Prijave sa potrebnom dokumentacijom mogu se dostaviti lično na Pisarnicu Grada Zavidovići (prizemlje zgrade) ili preporučenom poštom, u zatvorenim kovertama sa naznakom „Prijava na javni oglas za Upravni odbor u JU „Javna biblioteka“ Zavidovići -ne otvaraj“, na sljedeću adresu - Grad Zavidovići, ulica „Mehmed paše Sokolovića 9“ bb., Komisija za izbor na upražnjene pozicije predsjednika i članova u Upravnom odboru JU „Javna biblioteka“ Zavidovići

Neblagovremene i nepotpune prijave neće se razmatrati.

GRADONAČELNIK  
doc.dr. Hašim Mujanović